



KABINET DIREKTORA

Broj: 01- 02-2-2200 /13
Banja Luka, 18.10 2013. godine

Na osnovu člana 57. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08, 54/10 i 76/11) i člana 15. Zakona o Upravi za indirektno oporezivanje ("Službeni glasnik BiH", broj 89/05), direktor Uprave za indirektno oporezivanje, d o n o s i

N A R E D B U

**o nadležnosti carinskih ispostava za carinjenje
određenih roba porijeklom iz azijskih i afričkih zemalja**

I

Roba iz tarifnih glava Carinske tarife Bosne i Hercegovine 39, 42, 43, 50-66, 90-97 i gotovi proizvodi iz tarifne glave 85, namijenjena za dalju prodaju, porijeklom iz azijskih i afričkih zemalja, osim zemalja sa kojima Bosna i Hercegovina ima zaključene ugovore o slobodnoj trgovini, bez obzira iz koje zemlje se uvozi, prijavljuje se za carinski postupak stavljanja u slobodan promet u sljedećim carinskim ispostavama **Gradiška, Tuzla, Mostar i Sarajevo.**

Nakon okončanja postupka provoza, u odredišnoj carinskoj ispostavi iz stava (1) ove tačke predmetna roba se smješta u prostor za privremeni smještaj, podnošenjem zbirne prijave za privremeni smještaj, a radi utvrđivanja svih potrebnih podataka za puštanje robe u slobodan promet, imajući u vidu specifičnost pošiljki i robe.

Tačka I naredbe primjenjuje se na pošiljke težine preko 500 kg, a ukoliko se radi o kombinovanoj pošiljci koja, pored druge robe, sadrži više od 500 kg robe od ukupne mase pošiljke, iz prednje navedenih tarifnih glava Carinske tarife Bosne i Hercegovine, carinski referat na graničnom prelazu će istu upućivati u carinske ispostave iz ove tačke. Kombinovanom pošiljkom smatra se cjelokupna pošiljka (sva roba) u jednom prevoznom sredstvu koja, pored druge robe, sadrži i robu iz prednje navedenih tarifnih glava i tarifnih brojeva Carinske tarife Bosne i Hercegovine.

II

Prijavljivanje robe za carinski postupak stavljanja u slobodan promet kod carinskih ispostava iz tačke I ove naredbe nije obavezujuće za uvoznike koji: duže od tri godine vrše carinjenje robe obuhvaćene naredbom u carinskim ispostavama nadležnim prema mjestu sjedišta uvoznika, nemaju duga po osnovu indirektnih poreza i u protekle tri godine su deklarirali transakcijske vrijednosti koje nisu izazivale sumnju u realnost istih, odnosno, koje su bile prihvatljive pri utvrđivanju carinske vrijednosti.

Za ocjenu ispunjenosti navedenih uslova odgovoran je šef carinske ispostave.

III

Tačka I ove naredbe ne primjenjuje se na:

- robu koja se smješta u slobodnu zonu (o čemu uvoznik daje pisanu izjavu na graničnom prelazu), s tim da se ta roba, nakon takvog smještaja, može prijaviti za postupak stavljanja u slobodan promet samo kod nadležne carinske ispostave iz tačke I ove naredbe,
- robu koja je namijenjena smještaju u carinsko skladište ili za unutrašnju obradu (o čemu uvoznik daje pisanu izjavu na graničnom prelazu), koja se upućuje prijavnoj carinskoj ispostavi navedenoj u

- odobrenju za carinsko skladište ili unutrašnju obradu, zavisno koji postupak je u pitanju. Carinska prijava za razduživanje tih postupaka podnosi se otpusnoj carinskoj ispostavi navedenoj u odobrenju,
- roba koja se proizvodi u azijskim i afričkim zemljama za potrebe domaćih pravnih lica koja su za tu robu registrovali robnu marku u BiH i imaju ugovor o proizvodnji te robne marke, a koju prate uredne paking liste, CMR, fakture na kojima je precizno obilježeno pakovanje i serijski brojevi, veličina, komadi, način plaćanja, banka preko koje se vrši plaćanje, itd.,
- robu koja predstavlja reprodukcioni materijal, sirovine i opremu za proizvodnju (o čemu uvoznik daje pisanu izjavu na graničnom prelazu),
- robu nekomercijalnog karaktera koju putnici nose sa sobom za svoje lične potrebe i potrebe svog domaćinstva,
- odobrene pojednostavljene izvozne i uvozne postupke i pojednostavljene postupke u provozu (ovlašteni primaoc i ovlašteni pošiljaoc).

IV

Vaganje robe obavezno se vrši prilikom ulaska iste u carinsko područje Bosne i Hercegovine, na graničnim prelazima (referatima) na kojima su instalisane kolske vage, kao i u carinskoj ispostavi iz tačke I ove naredbe kojoj je roba prijavljena. Oba vagarska lista prilažu se uz carinsku prijavu kod carinske ispostave, radi provjere podataka na koje se isti odnose.

V

Postupak stavljanja robe u slobodan promet nadležna carinska ispostava sprovodi u skladu sa važećim propisima, uz obavezan dokumentarni, kao i detaljan fizički pregled robe, s posebnom pažnjom na utvrđivanje elemenata (carinska vrijednost, tarifna oznaka, porijeklo) za obračun carinskog duga.

VI

Sektor za provođenje propisa će se, po potrebi, a u okviru svoje nadležnosti, uključiti u provođenje ove naredbe.

VII

Primjena ove naredbe ne isključuje primjenu mjera carinskog nadzora i kontrole nad ostalim robama u bilo kojem drugom carinski odobrenom postupanju ili upotrebi, koje je, u zavisnosti od svake konkretne situacije, prema procjeni rizika, potrebno preduzeti.

VIII

Stupanjem na snagu ove naredbe prestaje da važi Naredba o nadležnosti carinskih ispostava za carinjenje određenih roba porijeklom iz azijskih i afričkih zemalja broj: 01-02-2-114-15/13 od 18.01.2013. godine i naredba o dopuni iste, broj: 01-02-2-114-15-1/13 od 15.02.2013. godine.

Ova naredba stupa na snagu danom donošenja.

Aladin Mušić, Miljka Kutić, Zagorka Goiković
Ime i prezime zaposlenog koji je izradio akt

Paraf rukovodioca sektora ili odjeljenja

Cybericon F

Dostaviti:

1. Kabinet direktora
2. Regionalnim centrima - Odsjeku za carine
3. Sektorima i Odjeljenjima UIO
5. a/a



DIREKTOR

MIRO DŽAKULA